

آبونه شرائطی

ممالك عثمانیه ده سنه لکی (۶۵)، الق
ایلم (۳۰۱) غروشددر .

ممالك اجنبیه ده سنه لکی (۱۷)، الق
ایلمی (۹) فرانقدر .

اداره خانه

باب عالی جاده سنده دائره مخصوصه

اضطارات

آبونه بدلی پشندر .

§

مسلكه موافق آثار مع الممنونیه قبول
اولنور . درج ایدلمه یازیلر احاده
اولونماز .

ایستاد

۱۳۳۰

اضطارات

رساله مزودن آلمدیغی کوسترلك شرطیله
بتون یازیلر هر هانکی برهزته طرفندن
اقتباس اولونه بیلیر .

§

مکتوبلرک، امضالرک واضح و اوقوناقلی
اولمسی و آبونه صره نومروس محتوی
بولونمسی لازمدر .

§

ممالك اجنبیه ایچون آبونه اولانلرک
آدرساریشک فرانسزجه ده یازلمسی دجا
اولنور .

§

پاره کوندرلدیکی، ان نه یه دئراولدیغنک
واضعا بیلدیلمسی دجا اولنور .

نصرانیت پروپاگانداچیلری و ازهری

«المنار» مجله‌سی یازبور :

«کرك مصر ، كرك بلاد ساثرده خرستیان پروپاگانداچیلرینك اسلاملر اوزرینه اولان هجوملری بوسنه پك زیاده شدت کسب ایتدی ؛ بتون بیسوز جمعیتلری بوخصوصده برشدیلر ؛ بونلر ازهرده مجاور اولان بعض کیمسه‌لری اغوا ایله کندی دینلرینه جلب ایتک ایچون وار قوتلرینی صرف ایدبورلر . اسلامیت حقنده طعن و تشنیعلر یاغدیورلر . بز بیلیورزکه ازهرده مجاور اولانلر سنه‌لردن بری اوراده اقامت ایتدکاری حالحه کتب عقائدن برکتاب آکوب اوقومایورلر ؛ بونلردن برچوقلری ده اوقودقلری عقائد کتابلردن طوغرو بر معنا استخراج ایده‌میورلر . عقائد سنوسیه ، جوهره ، نسفیه شرح وحاشیه‌لری کی متداول اولان بوکتابلری اسکایانلرده بونلردن خرستیان پروپاگانداچیلرینك شبه‌لرینی ، اسلامیت حقنده کی طعن و تشنیعلرینی رد ایده‌جک بر معلومات ایده‌میورلر . چونکه بوکتابلرده بولان مسائل محدوددر .

ازهرک مجلس اعلاسی ، مجلس اداره‌سی دوشونمورمی که : بو مجاورلر ، ادیان حریت طعنك مطلق بر اقلیدینی ؛ هر سنه قرآن کریم ، نبی ذیشان حقنده طعن و تشنیع ایله طولو بیگهرجه کتب و رسائل طبع اولان بر مملکتده بونلورلر ! ازهر هیچ دوشونمورمی که : بوکی مملکتده عقائدک علم کلامک احتیاجات زمان ، احتیاجات مکانه موافق استدلال و استقلال طریق اوزرینه تعلیمی واجبدر ؛ عقائد سنوسیه ، نسفیه ، دوانیه بوزمانه کافی دکادر ؟

مجلس بونی دوشونعلی درکه عقائدک اصول تعلیمده اولان بوضعیتله برابر ازهرده جریان ایدن بوحال اسف اشمال ، بعض مجاور جاهلارک تنصر ایتلریله عار و خجالتی موجب اولاجقدر . چونکه ازهر مجاورلردن ولوکه بردانه‌سی تنصر ایده‌جک اولورسه بونی خرستیان پروپاگانداچیلری کره ارضده بولان اک بیوک علوم اسلامیه مؤسسه‌سک اسلامیتی مدافعه و نصرانیتک شبه‌لرینی ابطالدن عاجز بولندیغنه حجت اتخاذ ایده‌جک .

بناء علیه ازهر مجلس اعلاسی ایچون همان شو چاره‌لر توسل ایتک واجبدر : (۱) عقائد ، علم کلام تدریسده جاری اولان اصولی تغییر ایدرک نصرانیتک شبه‌لرینی ، اسلامیت علیه وقوع بولان طعن و تشنیعلری صورت قطعیه‌ده رد ایده‌جک بر صورت افراخی : (۲) ازهر طلبه‌سنی نظام جدید ایله حصر ایدرک مجلس اداره و رواق شیخلرنجه بونلرک سیرت واحوال سهولتله بیلنملی ، هراسته‌ین طلبه ، خرستیان پروپاگانداچیلرینك محافله کیده‌مه‌ملی . اورایه کیتمکدن غرض نه اولدینی ، بوخصوصده کی استعدادی اکلاشیلما دقجه هیچ برینه اذن و یریله‌ملی .

ماذونا کیده‌جکی زمان کندیسنه لازمکن وصایا و یرلی ، کلدکن صوکرده ایشتیکی شیلرک نفسنده نه‌کی تأثیرلر پایدینی آکلاملی ، بو محافله کیده‌جک کیمسه‌لر مسلمانلق ایله نصرانیت بیننده کی خلافه دائر موضوعلر اوزرینه یازیلان کتب نافعیه ای اوقومق ایچون ارشادانده بولونعلی . بوشراط داخلنده حرکت ایتیلرک اسملرینی ازهرک دفترندن سیله‌رک حقیقت حالده اعلان ایتلی ، که بشقه‌سی ده بوصفته بولنه‌ماسین . مجلس رأیبری قبول ایتدیکی زمان شو قدرجق اجمال کافی کلاجکی جهتله تفصیلدن مستغنی‌در . «والله یقول الحق و هو یمدی السبیل»

«المنار» مجموعه دینه‌سندن مأل و خلاصه نقل ایتدی کمز شو مقاله هم شایان دقت ، همده موجب عبرتدر . میسیونرلرک فعالیتنه ، علمای اسلامکده همسزلکنه بافکیزکه ازهرده بولان مسلمانلری — همده تحصیل علم ایله مشغول اولانلری — بیله خرستیان یاغدیورلر قورقویور !

بزم علمای کرام ایسته‌دکاری قدر قهوه کوشه‌لرنده ورته انبیاز دیه باغرمقده دوام ایتسونلر ؛ حریفلر کال جسارتله کیده‌رک جامعلرده کی مسلمانلری بیله خرستیانلغه دعوت ایدبورلر . الله کوسترمسون میسیونرلرک مصرده کی

فعالیتی تمامیه استانبوله‌ده کیده‌جک اولورسه استانبول علمایی جامعلره درس اوقومیه‌ده کیده‌مه‌جک کورونیور . چونکه آت مدافعه ، نقصان دکل ، هیچ یوق ! بوراده طوبی ایکی میسیونر اولدینی حالحه اولنر بیله یتوب آرتیور . فاتح ، بایزیدکی جامع شریفلرک اوکلرنده طولاشه‌رق طلبه علومه ، مکتبیلره مجانا ؛ همده کولر یوز ، طاتلی سوز ایله ؛ اسلامیت حقنده طعن و تشنیع ایله طولو رساله‌لر توزیع ایدرک اونلری اغفال ایتکده اولدقلری حالحه ورته انبیا اولانلر سس بیله چیقارامیورلر !

چکن کون اداره‌خانه‌مزه کلن مدرسه‌الواعظین طلبه‌سندن برذات نقل ایدیوردی : میسیونرلردن بری مدرسه‌الواعظینک قبوسی اوکنه کیده‌رک طلبه‌لر چیقنجه یانلرینه صوقولمش ، اونلره معهود رساله‌لردن ویره‌رک کندیلریله مباحثه ایتک ایسته‌مش ، فقط طلبه‌لر هپ بردن یانندن طاغیلوب کیتمشلر . بونی حکایه ایدن ذاته : — نیچون طاغیلدی کیز دیه سؤال ایدنجه ؛ دیدی که : — بزده اوکا قارشی استعمال ایده‌جک آت مدافعه یوق ؛ بناء علیه طاغیلمدن بشقه نه یاپه‌بیلیر ؟ مباحثه کوروبده مغلوب اولقدن ایسه هیچ کیرمه‌مک ده خیری دکلی‌در ؟

بردرجه قدر تنور ایتش بولان مدرسه‌الواعظین طلبه‌سی بویه اولورسه دیگرلری بونلره قیاس ایدلمی ده آرتیق بوکی حالاتک سبب یکانه‌سی بولان اصول تدریس‌مزی زمین وزمانه کوره اصلاح ایدرک میسیونرلر ایله مباحثه کیرنجه اونلرک باطل ادعایرینی اسکی پاچورا کی یوزلرینه چارباقی طلبه علوم یتشدیرمه‌یه باقی‌در . والاخسران محققدر .

طاك

ازمیرده انتشاره باشلامش اولان «طاك» رفیق‌مزی کمال صمیمیتله تبریک ایلر و برنجی صایینسک ایلك صحیفه‌سنده «مقصد و مسلك» عنوانی آلتنده چیزدیکی خط حرکتی پراقیه‌رق موفقیتله ایلرولمسی ایچون دعالر ایدرز .

شهبال مجموعه‌سی

مندرجاتی خصوصنده پک‌ده معین برغایه تعقیب ایتمه‌مکله برابر ، کوچوک ملاحظه‌لر ایله قارئلرینک پیش مطالعه‌لرینه وضع ایتدیکی الواح نفیسه‌نک حسن انتخاب و تمثیلنده بویوک برتکامل کوسترن شهبال مجموعه مصوره‌سی ۸۶ نجی عددینک ۲۶۵ نجی صحیفه‌سنده بوتون مسلمانلرک عبرت و تأثرله کورمسی لازم کلن دورت فجیع لوحه کوستریور : قرق کلیساده کی بویوک وقایان جامع شریفلریله ادرنه قراسندن قویون کاوور کوینده کی مسجد شریفک حال خرابی و پریشانیلری .. شراب ده‌پوسی اتخاذ اولنان دیگر برقریه‌ده کی جامع شریفک فوچولرله دولو بر رسمی .. بوتون او الیم حقیقتلری ، کوزلرمزک اوکنده بوتون فجاجت‌لریله جانلاندیران بورسملر کورولدکن صوکر مجموعه‌نک شویولده بر مطالعه‌سنه تصادف اولنیور :

«ادوار اخیرده محضا مسلمانلق سیبیلده دشمنلردن کوردیکمز معاملات وحشانه — زبده اولسون — حقیله تقدیر ایدیلدجه صوات انباهیه‌مزک صمیمیتی تکمل ایتش اولمایاقددر . رساله‌مز اووحشتلری قدرتی نسبتنده بر بلاغته تلقین واره‌یه چالشمقده و بویه یاپارکن وطنه قارشی وظائفندن برینی ایفا ایله‌دیکنه قانع اولقنده در . قارئلر ، برعبادت ساکنانه ملجاء اولقدن باشقه قباحتی اولیان جامعلرک ناصل براطراد لایتغیر ایله ییقلدینی ، یاخود —